

Pravila nagradne igre "Tvoj Bingo za cijelu godinu"

1. Organizator

Na osnovu Zakona o igrama na sreću, te na osnovu rješenja Republičke uprave br. 06/4-463-1925-1/25 od 11.08.2025. Bingo d.o.o. export-import Tuzla, poslovna jedinica 265 Hipermarket Banja Luka, UL. Branka Popovića 41/a, Banja Luka, JIB: 4209253455544 (dalje u tekstu: Organizator) je organizator nagradne igre pod nazivom: „Tvoj Bingo za cijelu godinu“.

Nagradna igra se priređuje sa ciljem promocije Bingo tržnog centra Banja Luka na adresi Branka Popovića 41/a Banja Luka

2. Trajanje

Nagradna igra započinje 4.9.2025. godine u 00:01 i traje do 27.9.2025. godine do 15:59 (uključivo), a odnosi se na poslovnu jedinicu Bingo doo Tuzla broj 265 Hipermarket Banja Luka, UL. Branka Popovića 41/a, Banja Luka.

3. Pravo na učešće

U promotivnoj nagradnoj igri mogu učestvovati sve punoljetne fizičke osobe koje imaju prebivalište na području Republike Srpske. Pravo na učešće nemaju osobe koje su direktno uključene u organizaciju nagradne igre i uposlenici kompanije Bingo doo Tuzla i članovi njihove uže porodice ukoliko žive u zajedničkom domaćinstvu. Za sudjelovanje maloljetnika saglasnost mora dati roditelj ili osoba koja je u skladu sa zakonom ovlaštena o njoj se starati i zastupati je. Maloljetnik može biti dobitnik nagrade i primiti osvojenu nagradu prema zakonom propisanim uvjetima, odnosno ukoliko je skrbnik maloljetnika prihvatio nagradu, time je izrazio svoju saglasnost s Pravilima te nagradu u ime maloljetnika i preuzimanja iste.

4. Način učešća

Pravo na učešće imaju sve osobe pobliže definisane članom 3. ovog pravilnika koje u poslovnoj jedinici broj 265 Hipermarket Banja Luka, Ul. Branka Popovića 41/a Banja Luka ostvare kupovinu minimalno dva artikla iz rođendanske akcijske ponude Hipermarketa Bingo Banja Luka koja je objavljena na www.bingobih.ba, na jednom računu. Sa evidentiranim kupovinom na računu kao i napisanim ličnim podacima na poledini računa (ime i prezime, adresu i mjesto stanovanja, kontakt telefon), ubacivanjem računa u kutiju ostvaruje se mogućnost učestvovanja u nagradnoj igri. Svaka osoba koja ima pravo na učešće može učestvovati sa više računa. Svaki pojedinačni račun može biti iskorišten odnosno prijavljen za ovu nagradnu igru samo jednom.

Svi zaprimljeni računi nalazit će se pod kontrolom Organizatora i bit će odbijeni ako postoji osnovana sumnja u njihovu valjanost ili ako ne udovoljavaju uvjetima za sudjelovanje kako je navedeno ovim pravilima.

5. Nagradni fond

Ukupna vrijednost nagradnog fonda je 11.605,00 KM. Nagradni fond čini ukupno 6 (slovima: šest) nagrada i to:

Vrsta nagrade	Nagrada	Pojedinačna vrijednost s PDV-om	Količina	Ukupna vrijednost sa PDV-om
Glavna nagrada	Godišnja kupovina u Bingu	6.000,00 KM (12x vaučer od 500 KM za kupovinu u	1	6.000,00 KM

		PJ 265 Hipermarket Banja Luka u Banja Luci.		
Ostale nagrade	Play Station 5	1.099,00 KM	1	1.099,00 KM
	iPhone 16 Pro 128 G	2.229,00 KM	1	2.229,00 KM
	TV Samsung	989,00 KM	1	989,00 KM
	Električni romobil	649,00 KM	1	649,00 KM
	Frižider	639,00 KM	1	639,00 KM
	Ukupno			11.605,00 KM

Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima. Nagrade se ne mogu zamijeniti za novac, druge proizvode ili usluge.

Porez na dohodak će biti regulisan u skladu sa zakonom za igre na sreću, poglavlje 12. Fotografije vaučera na svim promotivnim materijalima su simbolične i služe samo za informativne svrhe.

Dobitnici nagrada mogu vaučere iskoristiti isključivo u Poslovnoj jedinici 265 Hipermarketu Banja Luka na adresi Branka Popovića 41/a Banja Luka. Svaki pojedinačni vaučer ima period važenja od mjesec dana (za svih 12 mjeseci po jedan vaučer).

Vaučeri se mogu iskoristiti u apoenima kako su napravljeni, minimalan apoen vaučera je 250 KM. Jedna kupovina može biti u minimalnom iznosu 250 KM. Moguće je izvršiti doplatu gotovinom ili karticom ukoliko kupovina bude veća od vrijednosti vaučera. Ukoliko kupovina bude niže vrijednosti vaučera dobivenog u nagradnoj igri. Organizator ne vraća ostatak novca od vaučera. Nagrade će biti uručene dobitniku najkasnije 15 dana od dana izvlačenja. Dobitnik je obavezan lično preuzeti nagradu.

6. Izvlačenje nagrada

Izvlačenje svih nagrada održat će se 27.9.2025. u 16 sati u Bingo Tržnom centru Banja Luka u prisustvu tročlane komisije koju će činiti uposlenici Organizatora. Odluka komisije je konačna i obavezujuća. Prilikom svakog izvlačenja bit će izvučen jedan dobitnik za svaku nagradu, kao i rezervni dobitnici, u slučaju da prvobitni dobitnik ne ispunjava uslove ili ukoliko se ne jave na kontakt telefon u roku od 72 sata.

Jedna osoba može osvojiti samo jednu nagradu.

Učesnici mogu učestvovati sa neograničenim brojem računa koji zadovoljavaju sve uslove iz člana 4. Nepotpun, oštećen ili račun za koji postoji osnovana sumnja u valjanost ne može učestvovati u nagradnoj igri niti učesnik na osnovu takvog računa može osvojiti nagradu.

7. Obavješćavanje dobitnika i uručenje nagrada

Svi dobitnici nagrada bit će obaviješteni putem telefona. Ukoliko ne bude moguće kontaktirati dobitnika nagrade u roku od 72 sata na broj telefona koji je naveden na računu, kontaktirat će se rezervni dobitnici redoslijedom kako su izvučeni. Preuzimanjem nagrade od strane učesnika prestaju sve obaveze Organizatora prema njemu. Pravo na preuzimanje nagrade može se prebaciti na treće lice putem punomoći nagrađenog ovjerenoj kod nadležnog organa.

Svi dobitnici će preuzeti svoje nagrade u skladu sa dogovorom s Organizatorom, a po predocanju osobnih dokumenata te najkasnije 30 dana od dana obavješćenja dobitnika odnosno stupanja u kontakt.

Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Republike Srpske i navesti broj i datum Rješenja Republičke uprave za igre na sreću, kojim je data saglasnost za ova Pravila.

Spisak dobitnika nagradne igre bit će objavljen na stranici Organizatora www.bingobih.ba najkasnije 8 dana od dana izvlačenja.

8. Porez i odgovornosti

Organizator je odgovoran za sve poreze, naknade ili dažbine u vezi s nagradom, uključujući i porez na lični prihod dobitnika.

Učesnik se slaže da Organizator neće biti odgovoran za funkcionisanje ili upotrebu nagrade. Učesnik prihvata da gore navedeni subjekt nije, niti će na bilo koji način biti odgovoran za ikakve obaveze, garanciju ili jamstvo koji bi, bilo po zakonu ili po prirodi stvari, mogli nastati u vezi s bilo kojom nagradom, što uključuje, ali se ne ograničava na kvalitet, mehanička svojstva ili prikladnost nagrade.

9. Osobni podaci

Učesnici i dobitnici u ovoj nagradnoj igri prihvataju da njihova imena, adresa i fotografija mogu biti korišteni i objavljivani kao foto, audio i video materijal od strane Organizatora, Klijenta i Partnera, u svrhu objava vezanih uz ovu nagradnu igru. Učestvovanjem u nagradnoj igri učesnici daju dozvolu organizatoru Bingo doo Tuzla, PJ 265 Hipermarket Banja Luka, UL. Branka Popovića 41/a, Banja Luka da prikuplja, sprema i obrađuje njihove lične podatke isključivo u svrhu provođenja ove nagrade igre. S tim u vezi, učesnici u nagradnoj igri daju podatke (ime, prezime, adresu, kontakt telefon).

Sudjelujući u Nagradnoj igri, učesnik pristaje i saglasan je da se svi osobni podaci koje daje prikupe, pohrane, obrađuju i koriste za vrijeme trajanja u svrhu provođenja nagradne igre Bingo doo Tuzla. Učesnik je slobodan u svakom trenutku uskratiti svoju saglasnost vezanu uz prikupljanje, korištenje i obradu osobnih podataka slanjem takvog maila na info@bingotuzla.ba te prihvata da takvo uskraćivanje može rezultirati nemogućnosti sudjelovanja u nagradnoj igri. Učesnik pristaje da se njegovi osobni podaci dati odnosno vezani za Nagradnu igru mogu obrađivati i prenositi unutar Bingo grupacije bez daljnje posebne saglasnosti Učesnika. Organizator će poduzeti sve potrebne korake da zaštite osobne podatke u skladu s važećom regulativom.

Učesnik je dužan prilikom davanja podataka dati istinite, tačne i potpune kontakt podatke o sebi. Učesnik je saglasan da ga Organizator kontaktira koristeći njegove kontakt podatke. U slučaju nedostupnosti Učesnika iz bilo kojeg razloga, uključujući netačne podatke ili nemogućnost uspostavljanja kontakta, postupit će se u skladu s odredbom člana 7 ovih Pravila.

10. Otkazivanje

Organizator zadržava pravo da prekine nagradnu igru u slučaju okolnosti za koje Organizator nije odgovoran, odnosno koje nije mogao spriječiti, otkloniti ili izbjeći, u kojem slučaju se oslobađa svih mogućih nastalih obveza prema učesniku. Organizator ne snosi nikakvu odgovornost zbog tehničkih problema ili grešaka u unosu podataka i drugih razloga koji ne ovise od Organizatora. Učesnik koji sudjeluje u nagradnoj igri prihvata prava i obveze ovih Pravila. Organizator zadržava pravo promjene Pravila uz prethodnu saglasnost Ministarstva Republike Srpske, o čemu će svi učesnici biti pravovremeno obaviješteni objavom u dnevnim novinama. Odluke Organizatora donesene prema Pravilima o provođenju nagradne igre konačne su i obavezujuće za sve učesnike. U slučaju spora između Organizatora i Sudionika nadležan je Osnovni sud u Banja Luci.

Datum: 3.9.2025.